

地  
3  
24册12

290  
● 2  
15



海國圖志卷三十七

邵陽魏源輯

北洋俄羅斯國沿革 原無今輯

聖清四裔考俄羅斯國東北至海南接喀爾喀準噶爾  
哈薩克土爾扈特西接西洋諸國秦漢為渾庾屈射丁  
靈諸國匈奴并有其地唐為骨利幹國居瀚海北其地  
北距海元時為阿羅思吉利吉思昂可新地元史稱吉  
利吉思南去大都萬餘里其境長一千四百里廣半之  
有謙河西北流注于昂可刺河北入于海今俄羅斯有

昂噶喇河即元史昂可刺河也昂可新者元史謂即唐之骨利幹也今名俄羅斯即元阿羅思轉音也案元時阿羅思為一國欽察為一國太祖滅之以封其長子者也吉利吉思思為一地昂可刺為一地謙州為一地益蘭州為一地此則隸于嶺北行營元帥府皆在和林以北以阿爾泰嶺與安大嶺為界在今日為俄羅斯東藩而在元時則乃蠻故地非俄羅斯所屬也近始為俄羅斯所并相傳其國舊無汗號西北近海計由之地其酋名依番瓦什里魚赤者因族姓擾亂求助于西費耶斯科國假其兵力服屬諸族自立為汗歷三百餘年今其酋皆稱察罕汗云其地寒多陰少晴蕃林木稀人烟分八道曰西畢爾斯科曰喀山斯科曰

佛羅尼使斯科曰計由斯科曰司馬連斯科曰三皮提里普爾斯科曰郭羅多阿爾哈連斯科曰莫斯涅斯科一斯科所屬城堡名栢興多者至百餘少或一二十餘蒙古語謂民居曰板升與栢興音近俄羅斯鄰蒙古疑即其轉音也官制汗左右近侍官四得專政每斯科設總管官一彼中名噶噶林每栢興設頭目田則什一而稅凡業打牲者納貂鼠狐狸銀鼠灰鼠其不打牲者歲納銀錢二百法律凡叛逆犯上者支解遇敵敗北者斬劫奪人及殺人者俱斬傷人者斷手偷盜倉庫官物者

視贓之多寡。有剽刦者。有以火灼之而發遣者。私鑄錢者。鎔銅灌口內以殺之。私賣烟酒者。重責籍其家。遣其人因姦殺死本夫者。本婦則埋于地。露其首以殺之。姦夫則懸于樹以殺之。犯姦者。本婦重責。不離異。姦夫重責。又罰銀入官。其幼童與女子姦者。重責之。配爲夫婦。俗尚天主教。不知朔望。或二十九日。或三十日。或三十一日。爲一月。十二月爲一歲。每歲按四季。大齋四次。或四十日。或三十餘日。以冬季大齋完日爲歲初。平時皆逢七齋戒。知節儉。厭兵戎。性矜誇。貪得喜誣。諧好詞訟。

每逢吉日。男子相聚會飲。醉則詠謔跳舞。婦女不避客。爭相炫飾。遊戲爲隊。行歌于途。卑賤見尊者。免冠立地。而叩。尊長不免冠。平等相遇。皆免冠立地。而叩。男子與婦人遇。男子免冠。婦人立地。而叩。以去髭髯爲姣好。髮卷者爲美觀。婚嫁亦用媒妁。聘娶之日。往叩天主堂。誦經畢。方合卺。殯殮有棺。俱送至堂內。葬埋。不飲茶。服氈。褐。苧布。以麥麩爲餅餌。不爲飯。每食用匙。及小叉。無箸。俗尚貿易。務農者少。知種而不知耘。不以牛耕。居河濱者。善泗。用瓜種。大小銀錢。有值三文。十文。五十文。百文。

者亦有紅銅錢與小銀錢通用以十六寸爲尺十二兩爲筋千步爲里後改五百步爲里其木則有杉松馬尾松楊樺叢柳櫻莢榆刺玫其穀則有大麥小麥蕎麥油麥及稷其蔬則有蘿蔔蔓菁白菜王瓜芫荽倭瓜葱蒜獸畜則有駝馬牛熊狼堪達韓野猪鹿狍黃羊狐狸兔貂鼠銀鼠灰鼠磳鼠行地中遇陽氣卽死身大有重萬筋者骨色白潤類象牙性最寒食之可除煩熱骨可成器彼中名麻門橐窪禽則有鷹鵬鷓鴣海青鴉鴨鷄又有聶木沁鷄大如鵝脚高尾短有蒼黑色而花紋者有

白色青斑者其冠色不時變幻人稍侵之卽鳴翅立冠下垂比戶畜之俄羅斯稱西費耶斯科國爲聶木沁云魚則有鮡鰭鱸鯉石斑鮒魴鱧鰻鴨嘴哈打拉他庫木舒爾呼松阿禪勾深牙魯四帖里烈帖鄂莫裏樂則有鐘鼓喇叭木笛噴吶銅絃琴胡琴其土宜風俗物產大畧如此明時阻于朔漠未通中國順治十二年其國察罕汗始通使

一統志曰俄羅斯在喀爾喀楚庫河以北東南至格爾必齊河北岸自大興安嶺之陰以東至海與黑龍江所

轄北境接界西接西洋西南至土爾扈特舊國及準噶爾界北至海去中國京師二萬餘里其貢道由恰克都經喀爾喀地進張家口以達于京師地在極北古難

詳考秦漢之間服屬匈奴史記匈奴傳冒頓單于北服

國注正義曰蘇梨以上五國在匈奴北按魏略曰匈奴北有渾窳國有屈射國有丁令國有融昆國有蘇梨之

國蓋北海之南自有丁令非烏孫之西漢有堅昆丁令

丁令也烏孫長老言北丁令有馬脰國漢有堅昆

漢書匈奴傳郵支單于北擊烏揭降發其兵西破堅昆北降丁令按堅昆在烏孫北烏揭之西丁令又在其

北史記所謂丁令唐時有點曼斯骨利幹等國唐書點

也即今俄羅斯也堅昆國也地當伊吾之西焉者之北日山之旁或曰居勿日結骨其種雜丁令乃匈奴西鄙也匈奴封漢降將

李陵為右賢王衛律為丁令王後郵支單于破堅昆于時東距單于庭七千里南距車師五千里郵支雷都之後世得其地者訛為結骨稍號乾骨亦曰乾拔斯云直回紇西北三千里南依貪漫山地夏沮洳冬積雪人皆長大赤髮皙面綠瞳以黑髮為不祥黑瞳者必曰陵苗裔也男少女多俗趨仇氣多寒雖大禾亦半禾稔有禾粟大小麥青稞稌馬至壯大其君曰阿熱遂姓阿熱氏駐牙青山至回鶻牙所橐駝四十日行回骨牙北六百里得仙俄河河東北日雪山地多水泉青山之東有水日劍池偶艇以度水悉東北流經其國合而北入于海堅昆本強國也地與突厥等東至骨利幹南吐蕃西南葛邏祿貞觀二十二年入朝帝以其地隸堅昆府隸燕然都護乾元中為回紇所破後詭為點曼斯蓋回紇謂之若日黃赤面云又云骨利幹處瀚海北多百合產良馬其地北距海去京師最遠又北度海則晝長夜短日入烹羊脾熟東方已明蓋近日入處也太宗時入朝以其地為元闕州其大酋獻馬帝取其異者號十驥龍朔中以元闕州更為余吾州隸瀚海都督府按唐時堅

昂在西骨利幹在東皆今俄羅斯南境元時有俄羅斯  
 今其人多赤髮皙面綠瞳蓋堅昆裔也  
**及吉里吉思及撼合納謙州益蘭州等處**元時吉里吉  
思南去大都  
 萬有餘里其境長一千四百里廣半之謙何經其中西  
 北流又西南有水曰鄂普東北有水曰王舒皆巨浸也  
 會于謙而注于昂可刺河以北入于海俗與諸國異土  
 產名馬白黑海青昂可新者因水為名附庸于吉里吉  
 思去大都二萬五千餘里即唐史所載骨利幹國也烏  
 斯亦因水為名在吉里吉思東謙河之北撼合納蓋猶  
 言布囊也蓋口小腹巨地形類此因以為名在烏蘇東  
 謙河之源所從出也其境土惟有二山口可出入山木  
 林樾險阻頗甚謙州亦以河為名去大都九千里在吉  
 里吉思東南謙河西南唐麓嶺之北朔漠圖自和寧北  
 行三千里名昂吉爾海子自此又行五百餘里至謙州  
 吉利吉思地又行千里至大澤云○源案謙州在唐營  
 山之北謙河之西吉里吉思則在謙河之北烏斯部在  
 其東昂可新則在極北謙河入海之處惟撼合納在極

東為謙河之源與今黑龍江交界此皆嶺北之地非元  
 初阿羅思所有至今日始盡并于俄羅斯號東新藩四  
 部詳後元代北方疆域考此五部之西則為  
 元諸王海都等金山以北分地元史無考 皆其地也明

時阻于朔漠未通中國 本朝順治初其眾曰羅刹竊

據黑龍江雅克薩之地築城居之侵擾索倫達虎爾等

索倫達虎爾二部居額爾古納河  
及淨溪里江之地與羅刹接壤 康熙十五年遣使入

貢諭以嚴禁羅刹毋擾邊陲羅刹潛侵淨里溪等處遷

延不去 命都統公彭奉率兵進討羅刹窘迫乞降及

我兵回潛據雅克薩如故二十四年復 命黑龍江將

軍薩布素等統兵圍之降者日眾二十五年其國察漢

汗遣使上書言下國邊民構釁自當嚴治乞撤雅克薩之圍且請分定邊界許之二十八年遣內大臣索額圖等與其使臣費要多羅等會議于尼布潮之地定格爾必齊河以北大興安山一帶為界其前所侵之尼布楚雅克薩諸處俱入版圖于格爾必齊河旁立碑為志自後貿易之使每歲每間歲一至未嘗稍違節度三十二年俄羅

斯送回逃人二名理藩院行文獎之是年察漢汗遣使入貢 聖祖閱其奏章論大學士曰俄羅斯貢獻想從來所無其國距京師甚遠從此陸路可直達彼處自嘉峪關行十一二日至哈密自哈密行十二三日至土魯番過吐魯番即鄂羅斯之境聞其國遼闊有二萬餘里三十九年俄羅斯遣斯者賚奏至 聖祖曰俄羅斯

斯地方遙遠僻處西北海隅然甚誠敬噶爾丹窘迫求救于彼曾拒而不答曩者遣人分畫疆界即獻尼布楚地以東為界尼布楚等處原係布拉忒吳郎海諸部落地彼皆林居以捕貂為業人稱之為土中人後俄羅斯強盛并吞之能遂獻其國王所居之城曰莫斯科窪近還即此允當軫念也

西北大海去 京師甚遠相傳其國本微弱地亦狹初

近海之計由地後假兵力于西費耶斯科國漸強盛其國至依

魚赤始得西費耶斯科之助以兵稱汗者歷二十三代番瓦什里

五百五十餘年吞併喀山托波兒諸處亦一百六十餘

年今其地廣袤幾二萬餘里分八道一道日莫斯科窪

道自托波兒河東至尼布楚與中國分界處日西畢爾斯種其六道日喀山斯科佛羅尼使斯科計由斯科司



馬連斯科三皮提里普爾斯科郭羅多阿木哈  
 斯科每一斯科如中國省會其餘小斯科無數設官管  
 轄每斯科設一人統轄日噶噶林各處省城堡名日相  
 興猶中國州縣大者兵民數百或千餘小者一二百  
 設頭目一人有樓房屋舍架大木為之城垣亦皆列木柵但絕少多虛名耳  
 南界土爾扈特  
 哈薩克諸國及內附之喀爾喀西北尚有十餘國大者  
 日西費耶斯科圖里耶斯科近為所侵掠皆微弱云康  
 熙間其國遣人來京師就學設俄羅斯館派滿洲助  
 教一人漢助教一人教習之雍正五年定俄羅斯來學  
 喇麻六人學生四人每十年更換一次乾隆三十二年  
 王師追討準噶爾部叛賊阿睦爾撒納由哈薩克竄入

俄羅斯境未即縛送特命典屬嚴詞索取遁避賊身  
 斃俄羅斯遂傳送其屍修詞恭順與天朝永睦地寒  
 土濕多雨雪少晴和山川險阻林樾叢繞居止有廬舍  
 水陸用舟車風俗以去髭鬚為姣好髮卷者為美觀卑  
 賤見尊長以免冠立叩為恭敬服氍毹喜飲酒不知茶  
 屑木為餅不飯食知種而不知耘不知牛耕居河濱者  
 喜浴善泅有錢文大小銀銅式不一以十六寸為一尺  
 十二兩為一筋千步為一里無節氣書知有四季而不  
 知朔望人材勇健性矜誇貪得平居和睦喜恢諧少爭

關好詞訟刑罰頗嚴尚浮屠自國王至庶民有四季大

齋戒十日其山川有帕付林斯科山在國境東佛落克

之上土人云冬夏積雪人皆不能至按自喀爾喀喀諸

部駐牧色楞格河下流地名楚庫柏興入俄羅斯界自

此而北水皆北流沿路皆大山深谷山多林藪夏多蛇

其奉使土爾扈特道經其國歸而著其山川風土今依

其所經次第列諸大水于下山雖多而有名絕少故不

盡錄 佛落克嶺在費爾和土爾斯科地高十餘里嶺東

東會於額爾齊斯河山陰有水曰色楞格河源出爾喀

喀穆河下流西會於滕吉斯湖 北流至楚庫柏興入俄羅斯界受東南來之楚庫河又

東北流二百餘里至烏的栢興受東南來之烏的河又

北流二百餘里入白哈兒湖河廣四五十丈水清流急

十月中始凍兩岸皆山沿岸多叢柳榆樺櫻菓中多魚

昂噶刺河自白哈兒湖西北流出又西北流一百五十

里至厄爾庫城受西南來之厄爾庫河水又

西北流二千九百餘里東北來之伊里穆河又數百里

會伊聶謝河流入北海此河長三千餘里受十餘小水

又大于色楞格兩岸及河中皆高峯峭壁水深溜急舟

行甚險五六月尚有冰舊志昂可拉河兩岸皆山自伊

里穆河流入之處以至伊聶謝河中間河流俄羅斯人

又呼為通古斯科河又有十餘小河皆注入之昂噶拉

河內有伯克五處破落克入處西費拉九處其國謂水

中高峯及臨水懸岸日伯克有滅提別而伯克巴達爾

滿斯克伯克多達兒斯克伯克滅費斯克伯克費達爾

克伯克謂夾岸峭壁中有大石河水陡下懸流日破落

克有博合滅兒爾納破落克牙皮乃破落克巴墩破落

克多爾規破落克沙滿斯克破落克阿普林司克破落

克木爾蘇克破落克四鐵烈洛什破落克謂水淺多在

急流之處日西費喇有洛什西費喇鄂標穆索斯奈西

費喇栢格西費喇鄂洛活瓦西費喇鄂費殷斯克西費

喇噶什那西費喇鄂費夏那西費喇鄂爾吉那西費喇

費喇

費喇

費喇

海國圖志

卷三十一

北洋

六

郭薩牙西費喇源按元史吉里吉思有謙河西北流注于昂可喇河一統志以昂可河當謙河與水道提綱說不合詳元**伊聶謝河**水自厄爾庫城之西北由昂噶拉代北藩考**伊聶謝河**水行三千餘里至伊聶謝柏興得伊聶謝河其水大于昂噶喇不知發源之處北流經伊聶謝柏興會東來之昂噶喇河轉東北流入于北海自此而北地益**揭的河**伊聶謝柏興之西北二百五十寒蓋近北海矣**揭的河**餘里地名麻科斯科有嶺名佛落克水從嶺下流出西北流二千五百餘里至那里穆相興入于鄂布河舊志揭的河土人名為解梯多灣曲水色赤沿河有小柏興回五處順**鄂布河**自麻科斯科流約二千里河面漸寬水色漸白**鄂布河**西北由揭的河水行二千五百餘里至那里穆相興得鄂布河其水西北流至托穆斯科受東南來之托科河至那里穆相興又受東南來之揭的河又西北流二千餘里至薩馬爾斯科之地轉西南流與厄爾齊斯河合復西北流入北海此河又大于伊聶謝水濁溜緩洲**厄爾齊斯河**自渚甚多自此而北地漸平坦不甚大矣

里穆相興西北南鄂布河水行二十餘里至薩馬爾斯科得厄爾齊斯河其水自阿爾泰山發源北源入俄羅斯境又西北流至托波兒之地受托波土拉二河轉東北流與鄂布河合流入北海此河大如色楞格水濁溜急其發源之阿爾泰山屬中國西北塞外邊界即古金山也計其源流與色楞格相等不知幾千里舊志厄爾齊斯河在蘇爾呼忒**托波兒河**源出費雅爾土爾斯科相與西南六百餘里**托波兒河**地之佛落克嶺西東南流與土拉河會又東北流入于厄爾齊斯河其入厄爾齊斯河處之東地名托波兒在薩爾斯河西南一千餘里彼所稱入道中之一道也居民二千餘戶駐兵二千餘名頭目十數人有廬舍市井謂之西畢爾斯科設噶林一人統之凡諸相與皆其所轄云舊志狄穆演斯科西南六百餘里為托波兒地厄爾齊斯河來自東南繞過托波兒向東北由托波兒**土拉河**源出佛落克嶺東河來自西南至北地而合**土拉河**東南流入托波兒河會于厄爾齊斯河其發源處地名貴耶爾和土爾斯科在托波兒西北二于餘里自此西北與國城相近彼

謂之喀穆河。在佛落克嶺之北。從一山中流出。西南流。內地。流出之費牙。或喀穆河。西流入此河。又流至喀山城。東南入佛兒格河。此河上流。至地名黑諾村。俱屬西畢爾斯。科道至喀山。乃別為一道。自此而北。至國王所居莫斯。科窪城。僅二十餘里。地勢趨下。人煙稠密。舊志喀穆河。大似色楞格河。水色赤。溜急。自東北流。佛爾格河。發源。西南流。至喀山相對之地。入佛爾格河。西北。山中。東南流。至喀山城。東南受喀穆河。流三百餘里。至西穆必爾斯科之地。轉西南流。又五百餘里。入土爾扈特國界。南流。匯于滕吉思湖。此河大如鄂布河水。濁溜。緩在俄羅斯名佛兒格。在土爾扈特國名厄濟爾。他水。皆北流。入海。惟此自北而南。不入海。其所經之喀山。亦入道中之一道也。在黑林諾村。西南五百餘里。地平坦。多田畝。產稻。稷。麥。環大水為城。有八門。周八里。居民五千餘戶。設總管統轄其南三百餘里。地名西穆必爾斯科。又西南五百餘里。日薩拉托付。自白哈爾湖。在楚庫。此而南。即土爾扈舊所游牧之地矣。

五百餘里。亦曰北海。去喀爾喀之北。界千餘里。有巨澤。南北長二百里許。東西廣千餘里。四面皆山。色楞格河。自西南流入。昂噶喇河。自西北流出。其從東流入者。又有一河。亦名昂噶喇河。中有洲。曰鄂遼漢。在湖內之東。北偏南。北五十餘里。東西二百里。上有山岡。多野獸。水多魚。蒙古五十餘戶。游牧于此。十二月下旬。水始堅。可行。三月盡冰始解。按唐書地理志。骨利幹都播二部落。北有小海。水堅時。馬行八日。可渡海。北多大山。其民壯貌甚偉。風俗類骨利幹。晝長而夕短。所謂小海。即此水也。又按史記匈奴傳。匈奴雷郭吉。遷之北海上。漢書蘇武傳。匈奴徙武北海無人處。使牧羝。武既至海上。原食不至。掘野鼠取草實而食之。杖漢節。牧羊單于弟。子軒王。戈射海上。王死。後人眾徙去。丁令盜武牛羊。武後窮。厄匈奴使李陵至海上。為武置酒設樂。武終不降。後漢使復至匈奴。常惠夜見漢使。教使者謂單于。言天子射上林中。得雁。足有絲帛書。言武等在某澤中。前言北海海上。後言某澤。以塞外遇水澤。通稱海也。白哈爾湖。地在匈奴北。與丁令正相近。史記匈奴傳。冒頭北服。

丁令漢書李陵傳匈奴立衛律為丁令王注云丁令匈奴之別種又蘇武傳注丁零即上所謂丁令耳然則俄羅南境即丁零故地而白哈爾湖印蘇武牧羝之北海上歟其物產有麥有大麥小麥

松杉樺已上三種馬唐書骨利幹產良馬首似橐駝各處有之筋骼壯大日中馳數百里今俄

羅斯所產馬皆高大逾常即其類也牛羊豕鹿唐書有鞠國居拔野古東

羊馬人豢鹿若牛馬惟食苔俗以駕車又以鹿皮為衣元史撼合納在烏斯東謙河之源所從出也貧民無恒

產者皆以樺皮作廬帳以白鹿負其行裝取鹿乳採松實及斫山丹芍藥等根為食今俄羅斯之東境伊聶謝

和與之地有一種貧民名曰喀穆尼漢亦曰通古斯俱畜鹿以供乘馭負載鹿色灰白形如驢有角名曰俄倫

即其白狐伊聶謝之北地名上麻門橐窪華言鼠也產

海處牙特庫之地身大如象重萬觔行地中見風印死每于河濱土內得之骨理柔潤潔白如象牙彼人以其

骨製為橛磔梳篦之類肉性極寒食之可除煩熱云此地最寒距北海大洋止一月程晝長夜短亦不甚暗雖

日落夜深猶可博奕不數刻東方已曙按唐書貂各

有之又有黑貂皮甚貴亦銀鼠青鼠四帖黑烈帖魚類

產極東北牙特庫之地鱈無麟脊上並兩肋有三骨連生大不過三尺味頗佳

水未凍時從北海由鄂布河溯流而來甚多人取食之

又有名鄂莫裏者長止尺餘白露後五日內由自哈兒

湖逆流而來取之不盡其諸河內皆產鱸鱠鯉鯽鯽

等及哈呼拉魚他庫魚石斑魚牙魯魚

職方外紀亞細亞西北之盡境有大國曰莫哥斯未亞

即鄂羅斯也俞正燮議此書不知有俄羅斯豈知外域音殊字別况此時鄂羅斯尚未兼并西費雅之地乎即本朝之書稱鄂羅斯有日羅刹者有東西徑萬五千里日羅車國者豈亦不知有俄羅斯耶

海國圖志卷三十一 北洋  
南北經八千里中分十六道有窩爾加河最大支河八十皆以爲尾閘而以七十餘口入北高海瀕焉不通大海國內兵力甚強日事吞併其地夜長晝短冬至日止二時氣極寒雪下則堅凝行旅駕車度雪中其馬疾如飛電其室宇多用火溫雪中行旅爲嚴寒所侵血脈皆凍堅如水石如驀入溫室之中耳鼻輒墮于地每自外來者先以水浸其軀俟僵體漸甦方可入溫室內故八月以至四月皆皮裘多獸皮如狐貉貂鼠之屬一裘或至千金者熊皮以爲卧褥永絕蟣虱產皮處卽用以充

賦稅以遺鄰國多至數十車國人多盜人競畜猛犬見人則噬晝置奔中夜聞鐘聲始放人亟匿影閉戶矣惟國王許習文藝其餘雖貴戚大臣亦禁學恐其聰明過主爲主辱也故其國有天主能知國王能知之諺今亦稍信真教其王常手持十字國中亦傳流天主之經或聖賢傳記無禁矣俗最澆凡欲貿易須假託外邦商賈方取信國人若言本土則逆其詐矣有大鐘以搖不以撞搖非三十人不能惟國主卽位及其誕日鳴之所造大礮其長三丈七尺一發用藥二石可容二人入內掃

除又有一蜜林其樹悉為蜂房國人各界其樹為恒產  
 案窩爾加河見南懷仁坤輿圖北高海即裏海亦名騰  
 吉斯海即異域錄之佛爾格河源出土拉薩逕俄羅斯  
 之南入騰吉斯海土爾扈特游牧河旁謂之厄濟爾河  
 者也納林河亦會之同入裏海至其夜長晝短則別謂  
 俄羅斯北方冰海之地非裏海地也

西域聞見錄鄂羅斯北邊之大國東界海南界中國西  
 北鄰控噶爾東西距二萬餘里南北窄狹自千里至三  
 千餘里不等稱其王曰汗自鄂羅斯之察罕汗歿無子  
 國人立其女為汗嗣後皆傳女近今已七世矣仍襲其  
 祖名號故國人猶稱為察罕汗也其女主有所幸或期

年或數月則殺之生女留承統續謂其汗之嫡嗣也生

男則以為他人之種也

案鄂羅斯汗卒子幼則其妃代主國事如中國太后臨朝之例

非其汗之女也但必女主沒其子始嗣位與中國之女  
 后攝政歸政者不同松筠綴服紀略言之甚明故鄂羅  
 斯近日已易男汗並無生子輒殺之說其七世中亦  
 皆母死子立夫死妃代迭主國事非七世皆女主也其  
 人深目高鼻睛碧鬚髮黃赤男女皆蓄髮男髮頻以膠  
 水刷之使其卷曲女髮梳為高髻男衣縛身徧體扣繞  
 女衣裙衫袍褂悉如漢裝但不纏足耳無褻衣故裙長  
 而兩襲以銀為錢鑄文肖其汗之面重七錢餘謂之呵  
 拉斯朗以洋筭成歲分至啟閉建閏日月蝕纖杪無差

喜樓居有四五層者。其梁柱頂壁皆用木。密灌油灰。不須瓦。幾而金粉雕鑿。極盡人工。開窓四達。或飾以各色玻璃。鏤金銀絲以隔蔽之。次用其國之田皮紙。率皆修整可觀。木多易遭回祿。故火禁最嚴。一有不虞。則萬家灰燼。室中皆床几椅橙。酷似南方。男女皆不能盤膝坐。一日兩浴。見親友賓客。無拜跪揖讓之儀。惟接吻以爲禮。嗜茶。然必調糖而飲。啜之。食以麥麩爲常饌。魚爲土品。猪次之。以大茴爲佳味。人嗜之。菽米則充牲畜。棧豆而已。都城雄壯。圍數十里。官制文武皆懸刀爲佩。刀柄

有五金銀銅錫鐵之區別。官階等級。視其刀柄而知。其民皆耕田納稅。三丁抽一。五丁抽二。以爲兵。兵各有營。自十六歲入營。給伊馬匹器械。卽不往歸家。不娶妻。日居營中。習學訓練。遇有戰陳之事。則隨其將領而去。月支阿拉斯朗錢一圓。糧一石。年至五十而後出伍。刑罰極嚴。男犯盜。女犯姦。殺人不問謀故。鬪誤。以及出邊。私入別國。概以斧剝殺之。其國名山大川甚多。地之肥沃。濂鹵亦錯雜不齊。土產白糖。冰糖。紙茶。噶拉明鏡。玻璃。元狐。黑貂。狃狽。銀鼠。海龍。水獺。但金銀缺少。其餘果



蔬之類咸備鄂羅斯本控噶爾屬國稱臣納貢由來已久。案自明至本朝西洋人著述皆以鄂羅斯為第一大國從無此語乾隆二十年後察罕汗恃其強大不復稱臣缺其貢獻復興兵擾其邊境以故兩國連兵數年不解鄂羅斯累遭大敗喪師二十餘萬因而大困力不能支仍復稱臣常貢之外歲增納重男五百童女五百而後罷兵其俗最重君臣之義如其汗雖無道之極亦無有敢議其是非者自古無叛逆篡奪之事一姓相傳不知其閱幾千年。案此誤以天主教之數為其國王之年數也俄羅斯稱汗止三百餘年見四裔考及一統志視他國之朝夕易

姓者相懸矣案西北域記鄂羅斯一名羅刹。案羅刹即羅斯之音

轉或又傳為羅車又傳為羅沙古丁零國也夜短晝長多江湖通舟楫

土產五穀六畜百果諸蔬及玻璃色氈金紙湖鐵紅黑牛皮皮氈之屬其人皙而陰準深眶綠睛亦有黑睛者漢李陵之裔也卷髮赤鬚衣止裹身履無前齒嗜酸辛貪杯酌餐薨蠶飯粒糗橫板為屋棚木為城鑄銀為錢編石為簡其教宗耶蘇康熙年間始與中國通遣其俊秀入我國學肄業受四子書而去乾隆二十年後以阿睦爾薩納之故土爾扈特之嫌復絕其貿易不復與通

椿園氏曰鄂羅斯雖為大國而地形長狹無率然環顧之勢且介乎中國控噶爾之間議守之處太多

案鄂羅斯北負

海故北面無所容守也東接中國蒙古而有大山巨壑亦無容守也惟西與歐羅巴各國接壤故戰爭皆在西方此全不知其國形勢故僅足自立乾隆二十年與控噶爾連兵

不解控噶爾用荀瑩故智東西叠駕虛實聲擊致鄂羅

斯地境瓜分棋判往來救援疲于奔走然後控噶爾大

舉入境圍其國都數千年相傳之統幾至夷滅迨稽顙

稱臣歲增朝貢幸控噶爾仁慈不輕滅人之國舍之而

去則察罕汗不知度量不察形勢之所至也

烏有之事孟浪之談

糾不勝糾別詳聖武記

又曰控噶爾西北方回子最大之國

案誤以汗名為國名又誤以天主教

為回教地包鄂羅斯東西界之外

案止接西界不接東界以鄂羅斯北面瀕海也

稱其王曰汗其大頭目亦謂之阿奇木伯克所轄各城

自萬戶至十餘萬戶不等均為其汗之阿拉巴圖合各

城計之小屬于大每一大城屬小城或三或四以至十

餘大城阿奇木伯克共計一千四百餘員建都之城名

務魯木極廣大南北經過馬行九十餘日東西亦然

荒

之極都城若此則都城以外又廣幾何盡歐羅巴亞細亞二州不足容其疆域矣委巷之談奈何出縉紳之口

城門二千四百。城內大江三。山河藪澤。不可勝計。宮室  
潤遠深邃。縣亘數十百里。黃屋朱門。皆以金玉珠貝爲  
飾。地產金銀。多于石子。珊瑚珠玉。數見不鮮。自鳴鐘表。  
綢緞。瓊鬪。尤多奇異。俗重大紅寶石。如拳如卵者。人人  
懸佩。黃金爲錢。每文重二兩許。居人田園廬舍。墳墓牧  
場。各分地界。散布而居。各種公田。猶是古井田法。所轄  
之地。有不富饒者。其汗聞知。輒親往巡視。暗攜金銀無  
筭。潛拋擲于人烟聚集之區。如金徧地。間有拾取者。尚  
謂無害。如拾取人多。甚至爭拾其汗。則惻然而憫。惕然

而懼。因廣爲施濟。必至比戶豐裕而後已。故入其地者。  
曾未有一貧窶藍縷之人。于求借貸之事。風俗敦厚。知  
禮讓。彝倫攸叙。與中國不殊。迥非西域各國禽行獸處  
之比。唯敬天地日月。不知有神鬼仙佛聖人之道。每日  
男女禮拜。啐經之聲雷動。猶天主教之風。前云回教此  
又云天主教  
予盾最戒軍事。其說以天地生人。無非同類。奈何以人  
殺人。自殘同類之理。故國雖富強。從無侵凌附近弱國  
之事。而兵則精銳。鳥鎗可及二百餘步。以死敵爲勇敢  
而歸者。終身不齒于人數。其兵無入伍食糧之事。入爲

農出為兵，訓練皆于農隙，亦同三代以上法也。如有軍事，其汗量敵之大小，命其阿奇木伯克，或一人或二人，各選其部下壯丁，前往應敵。鄂羅斯本其屬國。

編考西洋

人著述及粵東商船，歷有年所。乾隆二十年後，鄂羅斯有一人作此語否。

停其貢賦七年，未嘗責問。而鄂羅斯反以兵相加，控噶爾撥兵大戰，鄂羅斯全軍覆沒，喪師八萬。察罕汗又起十萬之眾，更借土爾扈特精兵數萬，與控噶爾再戰，又復大敗。以故土爾扈特大懼，于乾隆二十五年棄鄂羅斯而投誠中國，而控噶爾戎兵數十萬出境長驅直壓

鄂羅斯國都察罕汗大恐，求和稱臣，定于常幣之外歲

納童男女各五百人，控噶爾許之，乃捨去。或曰控噶爾

西界亦多其屬，歲修朝貢之禮。如鄂羅斯云。

案此皆誤聽土爾扈

特妄誕之談，有同西游演義小說，不值與辯。

俞燮癸巳類藁述曰：俄羅斯始見于元史，謂之阿羅思。

又謂之斡羅思，其大也在明中葉。至國朝而極大，其

天氣和藹處，亦有花痘之證。故阿睦爾撒納入其境，以

痘死。惟沙漠行國，趁涼者無之。蓋居國皆如此也。俄羅

斯有火器，平定羅刹方畧。言康熙二十三年正月十一

日我師抵雅克薩以其鳥鎗歸絕域紀畧云邏車國所  
遇皆擅鳥鎗黑龍江外紀言其納藥箭中凹凸如梅花  
式結碯亭集畫雅薩樂府注言其國精火器異域錄言  
圖理琛入其境伊國具鎗礮旗幟以迎土爾特扈又借  
之以衛我使者今雅克薩城有康熙時獲俄羅斯礮三  
位則言俄羅斯無火器者非也噶爾丹揚言假俄羅斯  
火器兵攻喀爾喀豈舉其所無以自敗哉康熙六十年  
俄羅斯人來言其地去北極二十度以上為北海堅冰  
凝結人不能至 聖祖以為始信東方朔記北方層

冰千尺冬夏不消之言不謬是其國已極北而或以其  
西南屬國之控噶爾汗謂在俄羅斯北且謂控噶爾能  
征俄羅斯又以女汗有男侍俗間小說遂謂我使侍衛  
碩託與其汗訂十八條議於枕席之上其說皆僞謬且  
亦安得有十八條議哉艾儒略等職方外紀坤輿圖說  
皆侈陳冰海若所足履目驗者而竟不知有所謂俄羅  
斯至錢少詹為定地球圖說始納入之然則地誠圓亦  
非五大洲即五大洲亦不必如西洋人所說地之圓不  
圓與西洋人無涉

源案職方外紀坤輿圖有莫哥  
斯未亞大國即俄羅斯也此誤

澳門新聞紙已亥歐羅巴洲各大國兵丁戰船之多寡當以俄羅斯為最多。俄羅斯戶口五千萬。戰船一百三十隻。兵一百餘萬。內有一半在各處防守邊疆。以及在屬國。其次即英。歐色特厘阿。戶口三千三百萬。兵四十萬。另有蘭威阿兵在外。佛蘭西戶口三千三百萬。戰船二百二十隻。兵三十五萬。另有國中各處防守兵在外。英吉利連愛倫。戶口二千四百萬。戰船五百三十隻。兵十萬。別有印度各屬國之兵在外。所有戰船共載大砲二萬三千門。普魯社。戶口比以上各國更少。兵只二十五

萬。連蘭威阿兵共有三十五萬。乃耕種之國。並無戰船。每月統紀傳曰。康熙二十七年間。英吉利國之蘇以天王登位。立志分侵敵國。始侵大尼王。勝之。方罷戰。又侵伐波林國。逐其舊王。別置新王。鎮撫之。又攻日耳馬尼國。列國皆震。莫不勸和。蘇以天王不息干戈。復強侵俄羅斯國。烈風刻骨。英軍不戰敗走。蘇以天王匿身土耳其地。逃歸本國。又霸侵那耳瓦鄰國。被彈擊而死。案此英吉利與俄羅斯交戰之事。志中無之。惟見于每月統紀傳。所謂土耳其國者。一作土爾機。即北都魯魯機國。英吉利與俄羅斯陸地不接。蓋兵船由地中海往侵。故戰敗則由土爾機國遁歸也。

又曰道光十三年土爾噶國被北方迺志比多諸侯攻  
伐奪去亞細亞內各部落今土爾噶國王遣臣額救於  
鄂羅斯汗其汗坐視顛危不救不扶在俄羅斯汗之意  
恨不得驅逐土爾噶出歐羅巴歸中國新疆本地但英  
國與佛蘭西國王不允強使彼此平安俄羅斯忽遣兵  
幾萬人往守土爾噶國都又命師船數隻防範迺志比  
多朦艦英國與佛蘭西國之宰相見此光景立諭兩幫  
戰船巡地中海免致迺志比多諸侯圍土爾噶國都并  
免俄羅斯軍駭愕土爾噶國王倘迺志比多諸侯不肯

即議和則以兵力勒令平安

源案此謂俄羅斯欲逐土爾噶歸中國新疆本地者

即第三十二卷中北都魯機回回國于元代被蒙古軍驅竄西域之事故譯者以本朝之新疆稱元代之回疆也或謂上爾扈特分牧俄羅斯之額濟勒河南岸其南岸部落于乾隆時歸中國而北岸部落十餘萬倘留俄羅斯此或指河北之土爾扈特然土爾扈特北部在裏海左右去地中海及英佛諸國甚遠且土爾噶乃回教而土爾扈特則刺麻佛教亦判然不倫此土爾噶仍當是北都魯機國而兵船巡地中海一語尤可證英鄂二國行兵道路

貿易通志曰俄羅斯國康熙年間始興前此居民不知

文學近日始奉天主教出口之貨為材木五穀麻油牛油粗帆麻布皮貨銅鐵白蠟魚肚進口之貨與西洋各國同其國都曰彼得羅堡貿易極盛道光十年國都進

口之貨計價萬萬員出口之貨七千四百萬員船進口者千有二百三十八隻其南北他港進口貨價計三千三百萬員出者亦千六百萬員百餘年前未有今日之十一其國之興隆崛起可謂驟矣其與中國貿易惟准在蒙古地方不准在南海

異域錄曰俄羅斯國之西北諸國名曰圖里耶斯科

斯科者皆部落之謂案圖里耶一作普里社即與俄羅斯爭戰之空科爾汗也空科爾一作控葛爾

大里牙即意大里亞曰式費耶忒案在俄羅斯之西北連年爭戰未知于四洲志中何

國曰博爾托噶里牙案一作博爾都噶亞即布路亞大西洋國曰雅爾馬尼

牙案即耶馬尼曰付蘭楚斯案即佛蘭西曰宜斯巴尼牙案一作

尼亞即大呂宋曰狄音未詳曰和爾斯提音未詳曰布魯斯哥斯哥

科也未詳曰博爾斯哥未詳曰別穆斯哥未詳曰賽薩林穆斯

哥案賽薩林即級沙蘭也即瑞國曰昂假爾斯哥未詳曰賀蘭斯哥即荷

出 其南面所有諸國部落名曰土爾扈特曰哈薩克

曰博玻林穆斯哥即波蘭曰肆班斯哥案一作是班牙即

曰布魯特此三國今臣屬曰哈拉哈爾疑塔爾巴哈台曰策旺拉布

坦即準夷首名曰莽武特疑是敖罕首名曰布哈爾一作布噶爾曰

哈薩兒巴什未詳曰伊爾欽即葉爾羌曰哈什哈爾即喀什曰



庫策即庫車曰阿克蘇今日吐爾們未曰沙障即尼納特

名在裏海東

國朝俄羅斯盟聘記 魏源

俄羅斯國至明始大其地表絡滿洲蒙古新疆之西北境與中國相首尾其國都在大西洋而東接蒙古黑龍江者特其邊鄙云自古不通中國至元太祖始滅之并滅其北之欽察國南之阿速國合為一國以封其長子朮赤其地皆在葱嶺西北未至東方也其阿羅思裔族逃于北海計由之地臣服于元及元亡後俄羅斯族姓

亦內爭其部長乞援于西費雅國假其兵八千以平內亂而割那爾瓦城賂之自立為汗其國寢強盡驅元裔蒙古出境恢復舊疆距康熙初察罕汗三百五十餘年矣數傳至明嘉靖時南滅庫程汗阿斯坦拉汗遷其人于阿爾泰山北遂與韃靼瓦剌鄰有大斯科四曰計由斯科其北海舊都也曰莫斯科其新都也曰喀山斯科則葱嶺迤西南抵裏海界西哈薩克地也曰悉畢爾斯科則葱嶺以東復分四部東抵額爾齊斯河南界雅爾科布多為一部東抵色棱格河南界阿爾泰山

爲一部又東抵朱爾克河南界車臣汗蒙古爲一部又東抵海南界黑龍江索倫爲一部四部皆名悉畢爾斯科乃其新藩屬地也閱百有三十餘年而至康熙世之察罕汗故梟雄兒童時好戰鬥戲及卽位同戲諸人皆爲將日事攻戰會由地中海黑海之間攻服諸游牧部落闡地至西印度又與圖理雅國之控葛爾汗爭阿藻城大戰破之控葛汗請和乃還其城而盡奪阿藻東北千餘里地于是又增斯科三日司馬廉斯科日郭羅多阿爾哈連斯科日佛羅尼斯科共有大斯科七又遣使

索其先世所割之那爾瓦部于西費雅國不與連戰數載竟并其城數千里以已名名之曰散丕特里普爾斯科而自遷都之于是有大斯科八其七道置噶噶林鎮守之而都城置大臣四總八道之治斯科者若中國省治一大斯科所屬小斯科數十若府治栢興數百若縣治也每大斯科設總管官一曰噶噶林猶中國總督每小斯科及栢興設頭目猶守令其疆域東北際海東西二萬餘里南北六千里其東西之中以烏拉嶺分界即葱嶺北幹亦名大里布山橫抵冰海烏拉嶺以東水皆

入北海烏拉以西水皆西南入裏海地中海其山川城郭人物畜牧種植痘疫五方風氣部類別處師兵羅衛與中國大同其地產名馬兵長騎戰長火器甲堅可禦銃彈其國奴僕浮于兵額大部落之奴僕有至十二萬者其奴僕一備戰一司農每農給田五十畝養一兵一馬無餉兵之費其教崇耶穌以紀年其書橫行自左而右東合拉提諾西合托忒烏珠克而轉譯蒙古清漢文拉提諾者西洋字體托忒者厄魯特字體烏珠克者唐古特字體康熙四十四年俄羅斯貿易使至上閱

其文字謂兼三體云初俄羅斯東邊接黑龍江者以外興安嶺爲界當明末季我大清方定黑龍江索倫達瑚拉及使犬使鹿各部東北際海而俄羅斯東部曰羅刹者亦踰外興安嶺侵偪黑龍江北岸之雅克薩尼布楚二地樹木城居之兩師相值各罷兵旣又南向侵掠布拉特烏梁海奪四佐嶺崇德四年大兵再定黑龍江毀其木城歸而未及戍守也兵退而羅刹復城之順治十一年遣兵於黑龍江逐之十五年調高麗兵逐之又數遣大臣督兵以餉不繼半途返順治十二年

十七年俄羅斯兩附貿易商人至京奏書絕不及邊界事康熙十五年貿易商人尼果賚等至 聖祖召見

之貽察罕汗書令約束羅刹毋寇邊久之未荅也而羅刹復東略人畜於赫哲費雅哈地藪我浦逃阻我索倫貂貢將割據黑龍江東北數千里甌脫地 上以其

密邇畱都不可滋蔓又重開邊釁乃于二十一年遣都統彭春等以兵獵黑龍江徑薄其郭偵形勢于墨爾根及齊哈爾各築城戍之置十驛通水運又令喀爾喀車臣汗斷其貿易令戍兵刈其田稼以困之二十四年四

月官兵乘冰解水陸並進克其城縱其人歸雅庫舊部二十五年正月羅刹復以火器求據城我師圍攻之死守不去時荷蘭貢使在都稱與俄羅斯鄰乃 賜書付荷蘭轉達其汗時察罕汗已卒新察罕汗嗣立知中國東方距已遼遠且限以行國非若西北之西費雅西南之圖里雅近在肘腋所必爭也海道往還迅速九月復書卽至言中國前屢賜書本國無能通解者今已知邊人構釁之罪卽遣使臣詣邊定界請先釋雅克薩之圖明年使由此方陸路至喀爾喀土謝圖汗境文移往

復二十八年十二月始與我大臣索額圖等會議于黑龍江一循烏倫穆河上游之石大興安以至于海凡山南流入黑龍江之溪河盡屬中國山北溪河盡屬鄂羅斯一循流入黑龍江之額爾呼納河爲界南岸盡屬中國北岸屬俄羅斯乃歸我雅克薩尼布楚二城定市于喀爾喀東部之庫倫而立石勒會議七條滿漠拉提諾蒙古俄羅斯五體文于黑龍江西岸于是東北數千里化外不毛之地盡隸版圖初準噶爾之擾喀爾喀及中國也動言借俄羅斯火鎗兵六萬以張聲勢然俄羅斯

方西用兵無南侵意噶爾丹敗往投亦不受及康熙三十五年噶爾丹死五十年土爾扈特使由俄羅斯至土爾扈特者本與厄魯特爲四瓦刺之一于明季與厄魯特不睦西越哈薩克投俄羅斯以其行國也指裏海額濟勒河之南圖里雅之東哈薩克之北無城郭地與之使游牧已七八十年至是聞準夷敗滅來貢聖祖欲悉其要領乃使兵部郎中圖理琛等往報之假道俄羅斯經西悉畢爾及喀山兩斯科往返行三載以五十四年三月歸繪圖呈御覽又爲異域錄數

萬言記其所經河道大者曰色棱格河曰厄爾齊斯河皆發源中國流入北海其近北海處夏至無夜色棱格河在上謝圖汗部受鄂爾昆河土臘河之水徑俄羅斯境爲楚庫河又北爲昂可刺河以入北海使命往來皆由此出入焉我使臣過境時邊臣以察罕汗命厚致禮餽以兵護行時察罕汗春秋四十有一在位二十六年矣其後汗卒子幼其妃代臨朝爲叩肯汗華言女主也雍正五年其使臣薩瓦復與我喀爾喀親王策凌議喀爾喀北界自楚庫河以西沿布爾穀時山至博穆沙嶺

爲兩國邊境而定市于恰克圖議定陳兵鳴砲謝天立誓俄羅斯國在大西洋崇天主教其南境近哈薩克者崇回教其東境近蒙古者崇佛教故嘗遣人至中國學刺麻經典以綏東方之衆并遣子弟入國子監習滿漢語言文字居于舊會同館十年更代爲例乾隆十九年土爾扈特使復由俄羅斯入貢二十二年我師定西域叛賊阿睦爾撒納逃入俄羅斯 朝廷命理藩院移文索之俄羅斯以渡河溺死聞既而患痘真死乃于明年移尸恰克圖請大臣往驗之而厄魯特叛賊舍楞害

我副都統復逃于俄羅斯我使索之又不與上怒絕恰克圖貿易而舍楞于三十六年誘土爾扈特全部十餘萬眾趨伊犁來降時俄羅斯與圖理雅國兵爭圖理雅以其先世控葛爾汗失地故世仇不服俄羅斯屢徵土爾扈特兵攻之土爾扈特兵不善戰憚于征役叛逃投中國廷議諸臣恐以收納逃亡啟邊釁

高宗命理藩院移文其邊吏告以伊犁本我地土爾扈特本中國部落舍楞乃我叛人歸斯受之無爽盟約俄羅斯無他言亦不問土爾扈特所往四十四年開市五

十四年復以納我叛人閉市嚴禁茶葉大黃出界逾三年復通市時汗位已數傳夫死妻立妻死子立恰克圖辦事大臣松筠于五十六年言女汗之子已長成年三十餘將來嗣母位云其聘中國未嘗遣正使皆貿易人來附請大皇帝安朝廷亦因其人答之嘉慶十年

女汗之子嗣立特遣正使來至邊界議禮不合而返故會典禮部載朝貢之國九俄羅斯不與焉惟理藩院設庫倫辦事大臣掌蒙古與俄羅斯貿易之事與東西兩將軍會商皆行文于其國薩那特衙門不直達其汗也

海國圖志 卷三十一 北洋  
俄羅斯既地廣物阜凡諸國至俄羅斯市者則衛藏以  
西沙章汗愛烏罕各部其外市則西至安集延伊犁哈  
密喀爾喀東至黑龍江秋高焉肥被氊捆貨而至面白  
微頰高準采鬚髯紅氊帽油鞞帳居者布列恰克圖及  
黑龍江西岸恰克圖迤東爲車臣汗部十四卡倫地稍  
平衍迤西則高山密林中逼峽溝卽色楞格河東岸繇  
亘至庫倫八百餘里天然險隘也方準噶爾強時曾以  
兵窺俄羅斯境由額爾口城深入六百里不見一入疑  
俄羅斯設伏誘已遂遁還然自準噶爾滅于中國俄羅

斯亦震我兵威故二百載無邊患始俄羅斯在明初立  
國時俗尙椎悍未識西洋技藝至比達王才武奇杰離  
其國都潛遊他國船廠火器局講習工藝返國傳授其  
所造戰艦火器反爲他國最其境與英吉利佛蘭西中  
隔數國惟舟行由地中海可相往來自俄羅斯日強大  
大西洋各國忌之康熙二十七年英吉利蘇以天王以  
兵船由地中海攻之俄羅斯縱其登岸而截其歸路會  
天大雨雪敵軍多凍死英吉利王由北都魯機國逃歸  
嘉慶十三年佛蘭西波利稔王選兵十三萬并約諸國



兵五十萬攻之。俄羅斯舉國遷避，空其都城，待佛蘭西深入。乘風雪夜，潛回縱火，風烈火猛，佛蘭西兵大潰遁。自是威震大西洋。近日復與英吉利爭中印度，別詳後

記別記載五  
印度志內

臣源曰：俄羅斯古不通中國。漢書康居西北二千里，有奄蔡國，控弦十餘萬，與康居同俗，臨大澤無涯，即北海。其今俄羅斯西域哉。又言丁令在北海上，唐書骨利幹國居瀚海北地，北距海，其今俄羅斯東域哉。

魏書烏洛  
侯國從難  
水北行二十餘日，有于已尼大水，即北海。皇清通考據此疑烏洛侯即俄羅斯，然魏史列高麗國百濟，勿吉，契

丹諸東夷間，又稱為拓拔，先世舊墟，且難水，今黑龍江則所稱有于已尼大水者，蓋塞外得水謂海之例，非俄羅斯北之大海明矣。盛京通志云：今黑龍東北有大泊，即于已尼大水。又一統志：幹難河即黑龍江之源，故黑龍江亦名難水。舊唐書曰：烏羅渾國，即後魏之烏洛侯也。亦謂之烏羅護，在長安東北六千三百里。東與靺鞨南與契丹北與烏桓相按云：云是烏洛侯，即今索倫錫伯之地，非俄羅斯。蓋可證官書四裔考之誤。况原書作烏洛侯，而徑改侯為侯，以叶元史稱阿羅思地，南去大斯音亦叶牽強，今并不取。

都萬餘里。元太宗時有其地，然欽察阿速諸國及嶺北諸部皆不屬阿羅思。則初境狹小，尚不及今俄羅斯地。十之二至近日，乃橫絕東西北海，又南侵及印度界，其興勃然。方乾隆中，土爾扈特之棄俄羅斯而來也，以俄

羅斯與圖理雅國之控葛爾汗構兵。圖理雅一作普里社控葛爾一作空  
科爾一作洪謠爾土爾扈特方恨其上國征役之迫播遷之勞  
 故其愬告中國也皆貶察罕而張控葛謂控葛爾汗國  
 在俄羅斯之北征討俄羅斯察罕汗幾為其所覆城環  
 萬里富雄八溟而中國縉紳亦輒信之筆諸載籍荒矣  
 哉夫圖理琛之奉使也稱所經地距北海僅一月程其  
 海濱夏至前後不夜而康熙六十年俄羅斯人至稱其  
 地去北極二十度以上為冰海人不能至 聖祖始  
 信古記北方層冰冬夏不化之言為不誣蓋夏至不夜

則冬至不晝故市舶但有東西南洋從無至北海之人  
 是其國已極北迫近冰海安得復有大國在其北乎俄  
 羅斯與荷蘭英吉利大西洋諸國接壤環峙構兵通市  
 而利瑪竇南懷仁諸地圖開方計里眉燦星臚何地更  
 位置此數萬里之控葛爾商船從未通人迹從未至乎  
 今西洋互市數十國有普里社者偪俄羅斯西界蓋即  
 異域錄所稱圖里雅控葛爾汗與俄羅斯構兵之國是  
 汗名非國名 粵人稱普魯社為單鷹以市舶桅旗所畫  
稱之其國商船歲至粵互市並非荒渺絕  
域聞見錄妄聽傳聞 乾隆末庫倫辦事大臣松筠撰綏  
則好奇輕信之過

服紀畧亦闢控葛爾大于俄羅斯之夸誕黠縣俞正燮亦辯正趙氏翼謂鄂羅斯無火鎗其汗通我侍衛之誣妄然又謂利瑪竇等地圖不知有俄羅斯今考利瑪竇圖以鄂羅為縛羅日縛羅答日縛羅得抹日縛羅德沒三地相連甚大又有葛勒斯國皆在地中海之北歐羅巴東境正當俄羅斯國都南懷仁圖說則曰歐羅巴州東北有莫哥斯未亞大國東西萬五千里南北八千里中分十六道兵力甚強日事吞併其地極寒冬至晝僅二時皆即鄂羅斯之明證不可謂佛蘭西非佛郎機英吉利非英圭黎榜葛刺非

孟加臘彌利堅非墨利加也今猶臚其事涉中國者於篇餘詳海國圖志

附錄澳門月報道光十九年十二月報日我等聞俄羅斯之權柄陰謀有大害于我等東邊之印度巴社等國蓋俄羅斯書館在北京中國事情悉知中國已知英吉利印度之稅餉皆由鴉片並茶葉多得中國之利益而俄羅斯亦欲奪我等印度之貿易稅餉令公司所屬之地不能安靜亦已足矣又何必再用別法來相害耶干八百三十七八年我等所屬印度各地方出兵攻取印度西北直到干拏哈又至加布爾英國兵馬已近西藏之西界相鄰葉爾羌戈什哈地方不遠邊疆上駐札有大兵在此幾座城與達機士賴並附近各國貿易極大中國看我等先時在印度不過只有貿易行而已後來却全勝印度地方又見我等再得新奇坡又見我等好似有暗謀澳門小呂宋之意又見好似有犯中國之意故此中國將自己之各埠頭塞閉只在廣東貿易不

昔待我等與大西洋俄羅斯一樣今又兼有俄羅斯人  
挑動故用此膽大之法我等今要中國待我與大西洋  
俄羅斯一體相同

元代北方疆域考上即今俄羅斯西北境

元太祖以阿羅思欽察阿速康里四部地封其長子木  
赤其域西起歐羅巴北抵冰海東界金山額爾齊斯河  
北有欽察南包阿速東盡康里地兼四國而以阿羅思  
爲王庭故蒙古源流言成吉思汗令其長子珠齊於俄  
羅斯地方即汗位珠齊即木赤二字之音轉不言于欽察阿速等地  
即汗位也然則今日俄羅斯其即元後乎非元後乎曰

阿羅思復興之時異域錄止言元末族姓內爭借兵于  
西洋式質耶忒國始平內亂不言元裔何往惟四洲志  
始言明宏治中有諾戈落部人起兵恢復俄羅斯盡遂  
蒙古奪回故疆則今之俄羅斯非元後明矣至元初征  
四國事雖始自太祖而實竟于太宗之世則木赤之封  
亦當在太宗之世考其事皆散見本紀及速不台土圖  
哈麥里昔里等傳別詳于元史中國所謂寬定吉思海  
者據乾隆十三排輿圖塔爾巴哈巴之西有巴爾噶什  
泊又西千餘里有慈謨斯夸泊又西北九千餘里有額

納噶泊泊中皆有島。惟額納噶泊最北。可當寬定吉思海。見西域傳。即漢書西域傳。奄蔡國。踰康居。大宛。境北臨水道。記。大澤無涯者。然尚非大北海也。其太和嶺則烏拉嶺之別名。乃葱嶺之北。幹康里即古康居。為今東哈薩克在太和嶺之東。欽察則在太和嶺之西北。而寬定吉思海一作騰去斯海。皆在太和嶺東北。當為康里境內。非欽察境內。史稱朮赤之封。其地極遠。去京師數萬里。驛騎急行二百餘日。方達京師。地里志所謂西北月祖伯地。即朮赤所封。顧朮赤。月祖伯。封域雖大。皆在金山以西。

其金山以東。則海都篤姓。昔里吉。諸王分據。至元亡。以後阿羅斯舊裔。恢復故國。日益強大。并金山東北諸蒙古王封地。而有之。則迥非元初阿羅思之故疆矣。曰元史征阿羅思。欽察之軍。往返皆由阿速。則阿速在二國之南。當為今何地。曰明史西域傳言阿速近天方。及賽馬爾罕。倚山面川。川南流入海。即西哈薩克之河南流。入裏海者也。又言沙哈魯部在阿速西海島中。考今哈薩克西部有格騰里大澤。澤中有大山。即裏海之島也。欽察之寬定吉思海在太和嶺東北。阿速之格騰里海

在太和嶺西南皆非大海而裏海東則征阿羅思兵往  
 返必由之路又哈薩與阿速音近西哈薩克為今布哈  
 爾當即元阿速無疑又土爾扈特游牧俄羅斯之厄濟  
 爾河者在布哈爾西境亦倚山面川南流入裏海元時  
 或在阿速境內歟至欽定續文獻通考以阿速為阿克  
 蘇則無容喙焉

元代北方疆城考下

即今俄羅斯東北境

元時北方疆域不但西有阿羅思欽察也乃并今日俄  
 羅斯東北全境皆有之考世祖都燕後立嶺北行中書

省統和林路總管府以轄漠北地蓋自金山杭海山興  
 安嶺以北直抵北海之地皆隸焉而地理志于嶺北所  
 轄疆域部落概不及其附見西北地名末者曰吉利吉  
 思部昂可刺部烏斯部撼合納部謙州益蘭州等處而  
 謙河受色楞格河之水貫諸部以入北海色楞格河源  
 嶺南自西而東謙河源嶺北自東而西元史則以謙河  
 為正源吉利吉思者即唐書黠戛斯國之音轉也南去  
 大都萬有餘里在和林正北故距燕京遠相傳乃滿部即乃蠻始居此  
 其境長千有四百里廣半之謙河經其中西北流又西

南有大水曰阿浦。東北有大水曰玉須。皆會於謙而注於昂可刺河。北入於海。又曰謙州以謙河得名。去大都九千里。在吉利吉思東南。謙河西南。唐麓嶺之北。烏斯部亦因水爲名。在吉利吉思東。謙河之北。昂可刺河亦以水得名。謙河下游入海之地。附庸于吉利吉思。去大都二萬五千餘里。晝長夜短。日沒時炙羊肋。熟東方已曙。卽唐史之骨利幹國也。康熙間。圖理琛使俄羅斯。作異域錄曰。色格河。北瀦爲巨澤。曰栢哈爾湖。亦曰小海。水自湖西北角。流出曰昂噶喇河。西北流百五十餘里。

受西南來之厄爾庫河。又西北流二千九百餘里。受東北來之伊里穆河。又北數百里。會西來之伊聶謝河。轉東北流入北海。伊聶謝去北海大洋一月程。時夏至前後。夜不甚暗。日落夜深。猶可碁奕。不數刻。東方日出也。源證以元史。謙卽昂可喇上游。東北來之玉須。卽伊里穆河。西南來之阿浦。卽伊聶謝河。以上爲吉利吉思地。伊聶謝河以下。爲昂可刺地。伊里穆河以上。爲烏斯地。栢哈爾湖西岸。爲謙州。則知昂可刺河之名。當在謙河會伊聶謝以後。故以謙河綱紀諸部。自異域

錄稱水自栢哈爾湖後即名昂可刺河以下游之名被諸上游于是水道提綱泥之以出湖西北流百五十餘里之厄爾庫水即為阿浦河則吉利吉思太近不應距大都萬餘里且其南更有何地位置謙州不合一史言元代疆域北至鐵勒天文志和林北極出地四十五度夏至晷長三尺二寸四分晝六十四刻夜三十六刻鐵勒北極出地五十五度夏至晷長三尺二寸四分晝六十四刻夜三十六刻鐵勒北極出地五十五度夏至晷長三尺二寸四分晝六十四刻夜三十六刻北海北極出地六

十五度夏至晷景長六尺七寸晝八十二刻夜十八刻鐵勒其吉利吉思之地北海則昂可刺河入海之地歟若以昂可刺河即在栢哈湖下安能遠瀕北海距大都二萬五千壘不合二謙州在唐麓嶺北唐麓嶺即今唐努山烏梁海地一作唐魯在和林西北金山東北故言謙河西南一統志引朔漠圖曰自和林北行三千里名昂吉爾海子自此又行五百餘里至謙州及吉利吉思若謙河止于栢哈爾湖則距唐麓山北之謙州尚遠安能以水得名不合三土土哈傳至元二十年從皇孫晉王征



海都戰於杭海嶺二十九年略地金山獲海都戶三千

還至和林三十年春進兵取乞里吉思即吉利師次欠

河即謙水行數日始至其境盡收五部之眾而還五部除益

蘭洲有屯兵守之海都聞之引兵來爭敗之於欠河又

劉好禮傳海都執好禮歸欠州脫走逾雪我嶺出鐵壁

山間道南行數日至南海始遇戍兵得歸是謙州近海

都金山封地故為其所割據若僅在柏哈爾湖上游則

距金山遠甚何得為海都巢穴且距吉利吉思更遠何

得交兵於欠河不合四史言吉利吉思為乃滿故居謙

州地為王罕故居者乃滿新庭在和林為今賽音諾顏

部地元秘史太祖征乃蠻時其塔陽汗渡塔米爾河登

勒台山故知和林王罕新庭在土拉河為今土謝圖汗

地元秘史成吉思汗初年于土皆與謙河隔嶺無涉惟

其故居在嶺北者則數千里皆謙河所縈貫若謙河短

狹止于栢哈爾湖安能亘兩大部游牧之舊帳不合五

知此則知色棱格河入栢哈爾湖後復西北行數千里

皆謙河之正幹謙河明而嶺北五部輿地綱領得矣至

撼合納部則在諸部之東謙河源所從出樺皮為帳白

鹿負之。冬月亦乘木馬出獵。其東界則為朱爾克河。別流入北海。其南界則近黑龍江。之使鹿部矣。今俄羅斯東路不產馬。乘鹿出入。即其地矣。其益蘭州則諸部東西適中之地。至元七年遣劉好禮為吉利吉思。撼合納謙州。益蘭州等處斷事官。而以此為治所。修庫廩。置傳舍。招陶冶工匠。鑄農器。造舟楫。地在楚庫河左右。為西北孔道。故海都兵至。即執劉好禮歸謙州。以其當兵衝也。此數部總隸于嶺北行中書省。皆在北幹大山之北。吉利吉思。昂可刺。烏斯。在其正北。與土拉河隔嶺。撼合

納在其東北。與幹難河隔嶺。謙州在西北。與和林隔嶺。益蘭州在二嶺中。斷通色棱格河之地。世祖至元以後。諸王海都出沒其間。恃荒遠為藪穴。每敗遁。輒不知所往。至其屢次入寇。一由謙河而至杭海。是和林東必由之。要道一由額爾齊河而至金山。是和林西必由之。要道。其金山以北地名。畧見藏兀爾傳。成宗大德元年。領軍。征北諸軍。踰金山。攻海都軍於達魯忽河。師還。又大戰於阿雷河。又王哇失與戰於撒刺思河。此皆額爾齊河所受之水。及海都踰金山而南。則屢戰皆於鐵堅古山。我軍踰金山北而退。寇則皆駐軍於按台山。此皆阿爾泰山南北。今唐努山烏梁海以北之地。成宗大德十年。海都及篤哇皆已死。篤哇子欵撒已降。乃詔

徙諸部降人於金山之陽我軍屯田於金山之北軍食  
既饒又扼其心腹於是海都蔑里二部餘眾相率來降  
北邊始寧蓋海都封金山以北其分地西以額爾齊斯  
河與拔都大王分界東以謙河與嶺北中書省分界自  
世祖都燕以後嶺北固鞭長莫及和林亦兵備較虛海  
都有割據漠北之志故率篤哇及蔑里等屢於金山杭  
海山兩路擁兵出沒恃其險遠我出彼遁我退彼出觀  
馬紹傳言漠北民避亂南者七十餘萬則其震蕩侵軼  
之勢可知雖以開國之初師武臣力然金山南北不奉

正朔垂五十年故元經世大典地圖不著海都所封而  
地里志則妄稱阿力麻里爲海都行營之所又言阿力  
麻里在和林西北五千餘里是並不知阿力麻里爲今  
伊犁在和林之西南故妄凡爲極北又凡爲海都分地  
又何譏焉又何難焉今則嶺北際海皆屬俄羅斯東藩  
四部以異域錄及四洲志考之則海都篤哇等初分金  
山以北地今俄羅斯之都莫斯科部西界額爾齊斯河南  
界科布多者也謙州則今俄羅斯之科利弗部東界謙  
河北界吉利吉思南界烏梁海及和林者也其撼合納

地則今俄羅斯之雅古薩部北界烏斯東界朱爾克河  
南界車臣汗蒙古及黑龍江索倫者也至俄羅斯尚有  
極東北之甘查甲部更在撼合納之東北元史地里志  
未之及凡古史沿革亦皆未之及

海國圖志卷三十八目錄

北洋

皆在洲中海以北  
故以北洋別之

普魯社國

一作波魯斯 一作破路斯 一作埔魯寫  
一作圖里雅 一作控葛爾國 一作亞爾

彌亞 一作馬西噶

比即來與之單鷹

綏林國

一作匪馬爾如 一作里都亞尼其  
附記之那威國即所謂波的亞

大尼國

一作了抹國 一作盈黎馬祿加國來奧亦  
用黃旗與海南領墨國之黃旗殊地。原

無今

補

瑞丁國

一作瑞典國與海南之瑞國殊地 一作綏  
亦古 一作綏沙蘭 一名諾爾物奧人謂之

藍旗。原

無今補

連國

一作雪際亞一作蘇尼祭一作各因來奧互市。原無今補

海國圖志卷三十八

歐羅巴人原撰

侯官林則徐譯

北洋

歐羅巴洲

此卷五國皆在洲中之北與冰海近故別為北洋

邵陽魏源重輯

普魯社國記

一作波魯斯一作破路斯一作埔魯

紀圖作亞爾彌亞西域聞見錄作控噶爾國又或作馬西噶北

普魯社國即來粵貿易之單鷹也在歐羅巴中央之北

疆域舊小部落星散耶穌紀年千有八百年

嘉慶五年富律

達利王奪得歐塞特厘國之西里西阿部并波蘭之波

新部遂列于大國甫六年與佛蘭西戰敗績于支那國  
幾不守近日乘佛蘭西為俄羅斯所敗興兵復仇并糾  
沿邊番部助攻佛蘭西約以奪回疆土即令各有其地  
番眾踴躍爭先破敵事後王悔前言推諉數年後始如  
約至今未踐政事設賀官四人每會議各國之賀官俱  
集于耶麻尼兵三等一曰土丹定阿彌一曰蘭威阿一  
曰蘭士端其蘭士端之兵惟護衛都城不出征未悉其  
數目其土丹定阿彌之兵額設駐防兵萬有七千九百  
步兵八萬二千九百三十有八騎兵萬九千六百四十

七砲手萬有三千五百共十四萬一千有奇年三十以  
上為一班年四十以上為一班蘭威阿之兵以二十二  
萬七千為一班十八萬為一班共兵五十萬有奇故墨  
蘭領麥之人充伍者居十之二其各部教門不一或奉  
加特力教或奉波羅士特教或由斯教或魯低蘭教  
普魯社國在歐羅巴洲中央稍北部落星散幅員十萬  
七千有二十五方里戶千有三百八十四萬口轄大部  
落九小部落三百四十有三

墨蘭領麥部

東南波斯西界都領吉阿南界塞循北界敏那尼阿

在耶麻尼北少

東與波蘭交界幅員萬六千零四十九方里戶百五十七千有三口領小部落四十有一其孛斯旦部則舊都也又佛郎賀部近阿達阿每五年開市交易一次則俄羅斯波蘭之人皆至國土瘠雖竭力耕種亦不敷用土產烟苧蔴呢布木絲髮磁器玻璃

東普魯社部

東界俄羅斯南界波蘭西界西普魯社北界冰海

幅員九千九百

八十五方里戶七十七萬二千五百七十七口領小部落四十其首部曰南塞有三城貿易皆盛土產與東普魯社同

波新部

東界波蘭西界墨蘭領麥南界西里栖阿北界西普魯社

在波蘭國境原屬

波蘭後為普魯社所得地平衍幅員萬一千八百八十五方里戶百有五萬一千一百三十七口設總領一人領小部落四十有三奉加特力教由教魯底蘭教土產穀牛羊極多

西里栖阿部

東界波蘭寒牙里西界都領吉阿南界歐塞特里北界波新

在歐塞特

里阿波蘭兩國之中濱阿達阿西邊多山東邊多沙幅員萬五千四百三十一方里戶二百四十五萬五千四十九口領小部落四十有二皆尊波羅特士頓教其首

部曰墨里斯路，又有額那斯部在山谷中有砲臺二，土產苧麻、煙布、呢、鉛、銅、鐵、砒、霜、鹽。

都領吉阿部 東界魯那底阿，南界威麻西，北界阿那注，北界墨蘭領麥。 在塞循部落

內最為堅固，幅員九千八百零九方里，戶百三十九萬

六千二百四十口，領小部落二十有三，首部曰墨尼麥

街衢廣，貿易盛。

威塞花里阿部 東界希西領俄，西界尼達，南界臘引，北界哈那注。 在荷蘭哈那

注之間，濱獵比河，北岸多沙，南岸多石，山林深密，不能

栽種，幅員七千八百六十七方里，戶百二十一萬零七

百有十二口，領小部落二十有一，其首部曰曼斯達士

最膏沃，又有敏領一部，貿易最大，土產鐵、煤、鹽、火腿布

大花緞、細麻布、嗶嘰。

臘引部 東界那省，西界尼達蘭，南界佛蘭西，北界威花里阿。 先分數部，一曰汝里

阿斯，一曰格里威斯，一曰羅注臘引，後并為一，統而名

之曰臘引，在耶麻尼荷蘭之中，幅員九千七百二十五

方里，戶二百二十二萬零八百五十三口，領小部落三

十六，其首部曰戈祿尼，貿易甚大，又格里威斯部險固

有砲臺，以濱臨臘引河得名，東岸有大山，西岸多山，產



不敷食土產芋蔴布五金絲髮

波彌那尼阿部東界普魯社南界波新西在巴爾底海

沙難對海有玉斯南島烏林島魯凝島地皆磽瘠資穀

他部幅員八千七百五十八方里戶萬二千百四十口

領小部落四十有三斯特鼎斯特臘山其港口也

普魯社國沿革原無今補

貿易通志曰破路斯國政事有名國人戴之產五穀材

木白鉛大尼麻布商船六百五十二隻外國船進口者

二千隻所載人之貨與各西洋國不異此條補入

海錄單鷹國又名帶輦在雙鷹西北疆域風俗略同今

番舶來廣東用白旗畫一鷹者是

又曰埔魯篤國又名馬西噶比在單鷹之北此以單鷹與埔魯社

國為二者蓋埔魯篤指其國都而來粵貿易之單鷹乃其屬地亦猶安集延之于敖罕也疆域稍大

風俗與回回同案普魯社奉天主教且疆域與回回不相接此言風俗偶同非謂教門同也

自亞哩披華至此天氣益寒男女俱穿皮服彷彿如中

國所披雪衣夜則以當被自此以北瀕海則不知其所

極矣

萬國地理全圖集曰破魯斯國南連我羅斯奧地利加

日爾曼佛蘭西等國北及巴得冰海東至波蘭我羅斯國西連綏林領墨等國北極出地自四十九度至五十八度徧東自六度至二十度廣袤方圓三十二萬方里居民一千三百萬丁其房屋三百三十一萬一千間每年八國帑銀三千六百萬員所出者相等其中兵餉銀千五百六十九萬員國之欠項銀萬三千萬員此時漸減少兵十六萬五千人其中侍衛萬八千人騎兵萬九千人炮手萬五千七百步兵十萬零四千另有民壯三十五萬九千二百共計五十二萬四千國分東西兩方

共十部或在日耳曼內或在於其國外

波魯斯東路各部一曰班丁堡縱橫阿得河流而大舟航其水面沿河水澤泥地暢茂草場畜牲其餘地平坦多沙無土故所出之五穀不足用其地面四分之一係松椽林而已居民製造磁器又織呢緞等貨其會城爲國都曰伯隣在北極五十度及三十一分徧東十三度二十二分居民二十二萬丁城周圍三十六里有市二十二門十五上帝之殿二十七其居民大半皆崇耶穌正教城內有孤子院養孤子千人武藝院醫院內收諸

海國圖志 卷三十一 北洋 六  
旅客貧民五千有餘其殿表四十六丈廣二十七丈高  
十丈古狀巍巍其軍局多大炮兵器其文學院內有儒  
千六百餘其磁器造房有名居民絲綢布帛百貨製作  
在西國最著出衆商旅不遠萬里而來一日陂墨隣部  
廣袤方圓三萬六千方里居民九十萬丁阿得河通流  
之入巴得海其海濱最低有沙阜時出琥珀南方田豐  
肥其餘地多沙出木料麻五穀河口商船出入不絕居  
民文學甚興會城士得丁在河濱居民二萬七千丁自  
有商船百六十隻其郊長大海口稱曰瑞隱口大船出

入無礙率他港城在巴得海濱居民萬五千丁其上帝  
之殿堂蓋以紅銅額林城內建文學院吉隣城在海邊  
街直屋美文石爲路薩牙居民七千丁房屋高大北勒  
有居民四千城中學院之師學問有名近城有聖池於  
宋朝年間居民初進耶穌之教時受洗禮每次數千人  
田宜穀麥突比城離海不遠由小河交通居民巧造琥  
珀奇器○治勒隱班之南一帶山嶺阿得河源在此境  
自南至北通流其地大半膏腴所耕之六萬九千頃多  
出五穀但人稠地狹必由外國運入以補之也有八千

機杼織夏布。又賣羊毛。與英國山出鐵。每年十五萬石。銀二千六百七十七斤。其會城曰伯老。居民八十萬六千丁。內多巧匠。其文院多名儒。瀕河堅城曰瑞。匿曰勒。匿曰額刺。日戕告曰匿。土皆深溝高壘。又一日薩普部。在隱班部西南。多五穀。其羊毛最細。居民好禮溫柔。皆崇正教。其都會抹得堡。固城。居民三萬二千丁。壘高池深。屢次擊退國敵。哈勒爲大文學院。內有千儒。吉令堡。昔乃尼姑所掌。多寺廟。今居民棄邪歸正。又一日波斯部。乃極東之境。與俄羅斯交界。卽以此都會爲國名。平

坦無山出五穀。出松椽。高宜造船。賣與英國。省會王山。居民六萬三千丁。其城垣周圍二十七里。但不可防禦。攻敵其河名曰河澤。界境東西。波斯城在此海口。澤城有六萬居民。經營貿易。道光八年。所入之船。千有五。十隻。運出麥。最多敵兵圍困其城。所失者千五百萬員。至北之墨麥城。與西國通商。有得實城。與佛蘭西議和之處。有益平城。在海口。每年進千四百船。又一日波新部。昔屬波蘭。今波斯據其地。釋其奴。教其子。令庶民向化。其民始怨。終服。其地惟出五穀。無他物產。會城居

民二萬五千丁街市廣大百姓半執異端

坡魯斯西路各部一日西法里在日耳曼國中間多澤  
密林居民織漂麻布售火腿半崇異端未奉正教其會  
城曰閔士得一日如勒山部在萊尼河沿山地居民最  
巧造各項鐵器布疋甚衆每年貨價銀數百萬員會城  
曰可倫在來尼河邊居民五萬丁造香水綢緞其城之  
廟甚古入之者自覺肅畏木城內大文學院益百田人  
民蔚起戶口繁多出鐵器布帛突鄉在萊尼河邊街濶  
市廣爲樂國一日下來尼部多出葡萄酒但缺五穀因

山水之秀遠客恒往遊賞全地在來尼河濱其都會曰  
谷隣城有民萬二千亞金居民三萬二千丁織造布帛  
坡魯斯國新立不久在明朝年間爲日耳曼國之諸侯  
盡忠治國其王悅之封以藩地於康熙三十九年始自  
稱王號其世子深通韜畧武藝絕倫又善理財遂以富  
強嗣子菲得王國帑充足與外國結仇百戰百勝自後  
威聲大震後王淫洩其國漸衰戰敗受辱其世子屏斥  
奸邪以厚風俗但嘉慶十一年佛蘭西水軍由海道侵  
國戰敗所失不可計數割去地之一半六年後捐餉招

兵結列國為唇齒擊退佛軍攻復舊都再取昔所據地  
國王遂修文偃武善得民心務農商興學院訓練士卒  
召各部貴人會議政務是以國勢復盛

綏林國那威國總記

源案那威即職方外紀圖之  
坡的亞其海名波的海音也

綏林則所謂匪馬爾如也  
總名曰斯干厘那委阿

綏林與那威同屬一區西北界抵冰海西南界抵耶麻

尼海東北界抵麻爾底海

源案耶麻尼海即莊氏圖所  
謂斯多各海在歐羅洲之內

凡大尼國綏林國皆在此海之北耶麻尼海與麻爾底  
海實二海隨地異名也麻爾底海即波的海音譯之殊  
也皆所謂并與俄羅斯交界南北距千五百五十里東

西距三百五十里地近冰海為歐羅巴洲最寒之區北

隔山深雪厚物產稀少人皆粗魯牧獵為生綏林與那

威以倫佛厘尼斯山為界無會長耶穌紀年九百後唐昭

宗光化 有哈羅佛額統領綏衆屢出寇掠人皆畏懼遂  
自立爲王建都於斯篤和林距海僅六十里同區之那  
威亦屬焉旋又攻得領墨之司蘭阿爾厘希墨厘斯三  
島立國三十餘年爲領墨馬里額女王所滅并所屬之  
那威皆被吞併然綏林土人不服屢叛屢敗迨至領墨  
幾利斯底奄王暴虐無道國政大亂千五百二十年  
明武宗正德 有綏林人額斯達瓦薩者樹幟恢復屢破領墨  
十五年 之衆竟抵國都鏖戰三載領墨厭兵遂還綏林故地綏  
林復國爲王復攻耶麻尼取回歐塞特里阿侵地又并

波墨臘厘阿數部落凡歐羅巴各國有事悉聽綏林號

令千七百年

康熙三十九年

爲渣爾國王所敗求助于都魯機

都魯機爲之和解遂割厘阿厘委阿數大部落以賂渣  
爾始罷兵綏林僅守磽瘠邊境越數十年傳至額斯達  
瓦斯昏于政事國內再變王位虛懸衆擇佛蘭西兵帥  
墨那氏爲主墨那氏恐本國王見討故厚結人心自樹  
又所屬那威貨物至領墨國都交易多被挾制皆綏林  
之大患立衙門四一官一僧一部落土著一鄉村土著  
官衙門千二百人分三等曰希臘曰厘那曰西委那凡

海國圖志 卷三十一 八  
各首領均世襲。僧衙門大僧師曰阿治彌涉。次日彌涉。部落中土著衙門由各部落中選舉有租賦者充之。鄉村土著衙門由各鄉村選舉有產業者充之。五年期集會議一次。期以三月。或展至四月。所議者文武職官贊否及稅餉增減以聽王命。凡會議之時非服章服之希臘無坐位。那威設立魯多挺衙門。隨時會議。俟王准駁。然一事經三請亦得准之。綏林步兵二萬六千三百二十騎。兵四千五百八十。火器兵二千四百。蘭威阿兵八萬三百六十。有八。養兵之法。平日撥田耕種。行陣別給。

口糧。那威步兵九千六百四十。有二騎兵千有七十。火器兵千二百七十。有八。蘭威阿駐防兵糧餉如綏林之制。境內倫佛厘尼斯山最大。自那威之俄鼎麻汔綏林界峯高八百丈。起伏綿亘。至北海濱忽高起壁立。河道四。那爾河至額佛里。東出海。長二百六十里。額攬彌河特攬河。臘勃河。自北發源。南出海。國中材木皆由此出。洋湖二。曰委尼湖。曰馬里爾湖。為衆水之壑。歲濬河道。宜洩積水。奉波羅特士頓教。貌似俄羅斯。好文學。俗淳無盜。作事忍耐。專心技藝。推求金石草木質性。歐羅巴。



洲各國皆不及焉。產金銅銀鐵黑鉛細呢白礬硫磺材  
木綜計綏林各部落歲產鐵百八十萬捆達。每捆達計重七十八  
斤。硫磺千一百五十捆達。白礬四萬二千六百捆達。那  
威首部落沃牙哈斯向產金銀黑鉛。今則稀矣。那蘭斯  
歲產銅七千八百六十捆達。幾力斯底奄山歲產鐵十  
五萬捆達。

綏林國四部。東界俄羅斯南界洲。幅員二十九萬七千  
方里。戶二百七十七萬二千二百五十二口。管大部落四  
小部落十有七。

綏林勃羅部。東界海。南界曷。領部落三。產細呢硫磺

白礬。押沙爾。每年產銀二三千碼。鉛一萬六七千斤。

鐵礦尤旺。化倫。每年舊產銅四千萬斤。近年只五百

六十萬斤。金五十碼。銀五十碼。鐵無定數。

臘巴蘭部。東界俄羅斯。南界那。蘭斯。西北界那威。

那蘭部。東界海。南界綏林勃羅部。西界那威。北界臘巴蘭。領部落一。每年舊

產金三四十碼。近年所產僅十之一。

曷蘭部。東南西界海。北界綏林勃羅部。領部落九。產鐵。

附那威國。

那威國六部

東界俄羅斯及綏林西南北俱界海

戶百有五萬零百三十

二口大部落六小部落七

沃牙哈斯部

東界綏林南界海及幾力斯底菴山西界麻銀哈斯北界特倫林

領小

部落一土產金銀今漸少

肥引墨部

東南皆界俄羅斯西界那蘭斯北界海

領小部落一

那蘭斯部

東界臘巴蘭南界特倫林西北界海

領小部落一產銅

特倫林部

東界那蘭南界沃牙哈斯西界海北界那蘭斯

領小部落二

麻銀哈斯部

東界沃牙哈斯南界幾力斯底菴山西界海北界特倫林

領小部落

幾力斯底菴山部

東南西皆界海北界麻銀哈斯沃牙哈斯

領小部落一

產鐵白礬黑鉛木材

皆原本

氫趨白黎黑驗木林

本

幾代漢風蕃山陪

氣驗即漢丹平台漢東前西皆界或北界

爾小陪恭一

大尼國

一作丁抹一作盈黎馬祿加國粵人謂之黃旗國原無今補

職方外紀歐羅巴西北有四大國曰大泥

即黃旗國

曰諾而

勿亞

瑞丁國藍旗

曰雪際

連國

曰鄂底

惟此國與廣東通市否未詳疑也并於瑞丁也

此四國皆與亞勒馬尼國相隔一海道阻難通西史稱

為別一天下南北經度自五十六至七十三其南夏至

日長六十九刻其中長八十二刻其北夏至日輪橫行

地面半年為一晝夜地多山林產獸及海魚極大異于

他方其大泥亞國沿海產菽麥牛羊最多牛輸往他國

者歲常五萬海中魚蔽水面舟為魚湧輒不能行捕魚

不藉網罟，隨手取之，不盡也。近二十年内，一國土名地，谷白刺格，酷嗜瑪得瑪，第加之學，建一臺于高山絕頂，以窮天象，究心三十年，累黍不爽，其所制窺天之器，窮極要渺，後有大國王，延之國中，以傳其學，今爲西土歷法之宗，其諾而勿惹亞，寡五穀，山林多材木，鳥獸海多魚鼈，人性馴厚，喜接遠方賓旅，曩時過客僑居者，絕不索物價，今稍需，卽饜足矣，故其地絕無盜賊，其雪際亞地，分七道，屬國十二，歐邏巴之北，稱第一富庶，多五穀，五金財貨百物，貿易不以金銀，卽以物相抵，人好勇，亦

善遇遠方人，鄂底亞在雪際亞之南，亦繁庶。

每月統紀傳曰：大尼國地微三濱及海，惟南接阿理曼國之藩屬國，延袤百七千萬正方里，居民百萬有餘，地平坦，北面赤地，窮髮曠野，西方沿海地不高，海水屢次漲溢，築塘捍防，常爲風颶所敗，是以栽樺樹等，以堅固其沙土，產惟五穀畜牲，每年賣與外國者，馬萬六千隻，牛七千隻，設遇英吉利國，穀歉價昂時，所載入者，歲數萬石，國中，建城一百邑，三十七鄉，二千三百里，五千五百戶，口希少，而心高志大，遊徧天下，謀利積蓄，當宋朝

海國圖志 卷三十一 北洋  
年間土人未向化斥鹵磽瘠舍耕業漁沿海之民肆劫洋面侵掠沿海宋朝眞宗四年深入英吉利國國王張惶厚賄請其退師不許英人乃設謀誘殲其軍大尼國王憤思復仇乘船縱橫洋面截商船擾邊境將爲質之人割其鼻手而溺之遂領新軍伐南方與土人鏖戰日久而乃講和不期英吉利王被弑大尼王號曰駕盧特遂脅服英民從加特力天主教賞罰嚴明遂攻北國屢戰皆克既獲全勝王没子立英人復興銳力驅逐是時大尼國五爵擅權互相戰鬪需索農工國幾大亂賢王興

焉正位修政馭下安民明洪武十年大尼國王后攝權其女主鐘山川秀氣英妙不凡立志合大尼那耳瓦瑞典三國爲一行軍發令動合機宜所向臣服其境延袤過於鄰國嗣王郊法亦擴土疆盛強再世後王暴虐耽溺女色宮妾猝死王猜疑服毒株累無辜恃強侵瑞典國盡殺其五爵貴人九十人逞虐作威彼民咸怨乘大尼王與南方鄰邑構釁瑞典阻兵自守不貢錢糧歎盟誓死不受大尼管轄大尼王屢討皆敗懊恨而死于是國民進波羅士特正教崇拜救世主耶穌而不恭偶像

大開海路其傳教之師遠適各國廣布教化近百年間  
大尼復與瑞典國釁隙發兵攻擊奪路奔走講和讓地  
大尼國威挫遂爲他國所輕百姓不悅以攝權之世爵  
爲倡禍故變舊例廢五爵以王總國政柄不旁落嘉慶  
二年大尼國王欲阻拒英吉利師船將其國都兵船密  
泊海港多建砲位英軍排艦開砲攻之大尼梢手不變  
色并力防堵英船壞航爛講和而退七年後佛蘭西國  
王復密約其國師艦巡舟合侵英國英國師船奪之遂  
抵大尼國海口問罪勒降王曰寧死不敢辱國于是英

水師放砲如雨圍困都城焚屋四百間危在旦夕太子  
議降將巨艦十八隻滕艘十五隻盡皆投出當時大尼  
王年老邁太子無才國人會議公舉才智出衆之士爲  
副王以治國

貿易通志曰大尼國或呼曰黃旂地褊狹戶口少然專  
務貿易產五穀酥餅牛羊豕道光十年出口商船三千  
六百九十三隻外國進口船四千四十四隻其貨價不  
等

海錄盈黎馬祿加國在綏亦古西北與綏亦古同一海

島

綏亦古即瑞丁國  
即來粵之藍旗

陸路相通而疆域較大人稍粗壯

風俗土產同即來廣州黃旗船是也

其海南之領墨國  
亦用黃旗故人多

混為一國不知其隔  
海南北判然二地也

萬國地理全圖曰丁抹國或曰黃旗國乃半地有海隔絕於瑞丁國也惟南方與日耳曼國相鄰北極出自五十三度三十分至五十七度三十分偏東自八度至十一度也其東方羣島港汊無既船隻若通行必納稔奉丁矣國地平坦無山海邊沙磧國地褊小圓方只萬二千方里居民二百萬而昔時國民膽敢侵英嘉慶年間

復為佛蘭西糾約與英交戰而英國水師轟擊其都強其國王交出其戰艦以免為佛蘭西所有其沿海產五穀牛畜奶餅等貨赴市廣東因插黃旗故稱此名國軍共計四萬丁戰艦數十其國餉銀每年四百萬兩王專國事不聽尊貴五爵其南方大半係日耳曼民亦同言語但本國之音與瑞典國相似○其都城曰可品哈陰在嶼上為市埠居民十萬丁其街徑直其屋華麗與日耳馬國交界有亞里多那馬頭與翰堡港最易交爭基里乃其國之南書院近英國地海中有羣島屬丁抹所

轄其民業漁極北海隅水島者風氣凜冽中有火山兼  
 屢地震但其居民謹崇上帝勞而不怨海口多汊然通  
 商不多其居民捕鯨而用其油亦殺羣海犬而衣其皮  
 更遠北極之地丁抹古開新地以漁務事冰雪滿地夏  
 時其海不開無船能到然民冒其險真可謂鷹飛不到  
 名利所牽也

瑞丁國

此在洲中海之北與海南之瑞國判然不  
 同一作瑞典國一作綏亦古國職方外紀  
 作諾爾物粵人謂之藍  
 旗四洲志無之今補

貿易通志曰瑞丁為北方之國產銅鐵木每年進口貨  
 價千三百萬員出口千二百萬員本國船二千四百二  
 十七隻外國船入口者千六百五十八隻

紀傳

萬國地重全圖集曰瑞丁國西南北三方及海俱東連  
 義羅斯北極出自五十五度至七十七度偏東自八度  
 至二十四度袤三千九十里延三百五十里北方岩巍



崎嶇其南沉瀾泥地其西海邊港汊洞狀若舟不幸遇之必危其江河最多急流不長皆入布尼海隅天氣嚴凝大半難耕居民用鹿爲馬其牛羊皆雪中度生焉居民共計四百萬丁古時此國衆蠻突出侵至歐羅巴之南地於明萬歷年間始奉正化事耶穌敢作敢爲又受日耳曼國侯之地兵力甚強嗣後權勢再衰五爵屢亂於嘉慶年間國中尊貴擇佛蘭西將軍爲王修政安民其土產木鐵銅但五穀不足用其貧民不得食餅薯則以鹹魚參調樹皮爲食國餉銀每年二百萬兩其軍一

萬戰艦亦不多其商船亦到中國貿易其都城曰士突訓亦通商馬頭沃撒刺乃國之書院其丁未之對面海口稱爲鄂堡也其國之北稱爲臘地居民身矮終身住冰雪之中勞苦養生夏時天氣又暴熱蚊毒難堪忽兩月後轉瞬凍至其民出入乘鹿以奶哺之以肉養之以皮穿之以筋爲弓也又那耳圍者其國西方窄地也昔屬丁未國於嘉慶十七年始歸丁天氣寒凝與瑞丁不異其居民捕魚以代五穀沿海礫石林立航船惟難民性剛悍雖服瑞丁而其政事皆會長專決

海錄綏亦古國在英吉利西少北案綏亦古即瑞丁國也在英吉利西地其

非海南之瑞國明矣瑞國在英吉利之東也風俗土產如英吉利而民情較

淳厚船由荷蘭往約旬餘由英吉利約六七日可到來

廣貿易其船用藍旗畫白十字

附璉國

案此國與廣東通市貿易通志有其名而四洲志無之利馬竇南懷仁地圖及職方外紀一作雪際一作蘇尼

皇清四裔考璉國地在西北方凡歷海洋六萬餘里始

達廣東界國中土地平衍山澤少著名者有一山土名

士璉國人皆從此出入前臨大海左右設礮臺距王城

五十里王所居地名順地墨信奉天主多同英吉利土

產黑鉛琥珀白金及大青葡萄乾之屬自雍正年間有

夷商來廣通市後歲以為常

外大西洋墨利加洲總叙

烏乎。彌利堅國。非有雄材梟傑之王也。渙散二十七部落。渙散數十萬黔首。憤於無道之虎狼。英吉利。同仇一倡。不約成城。堅壁清野。絕其饗道。遂走強敵。盡復故疆。可不謂武乎。創開北墨利加者。佛蘭西。而英夷橫攘之。憤逐英夷者。彌利堅。而佛蘭西助之。故彌與佛世比。而仇英夷。英夷遂不敢報復。遠交近攻。可不謂智乎。二十七部。酋分東西二路。而公舉一大酋。總攝之。匪惟不世。及且不囚。載卽受代。一變古今官家之局。而人心翕然。

可不謂公乎。議事聽訟，選官舉賢，皆自下始，衆可之，衆否否之，衆好好之，衆惡惡之，三占從二，舍獨狗同，卽在下預議之人，亦先由公舉，可不謂周乎。中國以茶葉大黃，歲數百萬，濟外夷之命，英夷乃以鴉烟，歲數千萬，竭中國之脂，惟彌利堅國鄰南洲，金礦充溢，故以貨易貨，外尚歲運金銀百數十萬，以裨中國之弊，可不謂富乎。富且強，不橫凌小國，不桀驁中國，且遇義憤，請效馳驅，可不謂訖乎。故不悉敵勢，不可以行軍，不悉夷情，不可以籌遠。魏源又曰：彌利堅與英夷所據，皆北洲，其南

洲之孛露國，金加西蠟國，至今未踞于西洋，亦未通市于中國，而金銀則甲四海，東不足者，西有餘，以其所有易所無，氣運貿遷，烏見失諸此者，不可償諸彼乎。夫惟有度外之人，則能通自古未通之絕域，致自古未致之貨弊，志外大西洋，亦所以志大西洋也。彌利堅卽墨利加特，譯音之轉，其國則爲育奈士迭國，士迭者，部落育奈者，總攝部落，西人或譯曰兼攝邦國，或譯曰合省國，則亦皆非地名，故今人相沿呼洲曰墨利加呼國，曰彌利堅，沿習成真，吾亦從而沿之。



